



REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

Në bazë të nenit 58 të Ligjit për Vetëqeverisjen Lokale Nr.03/ L-040, Gazeta Zyrtare e Republikës së Kosovës, nr.28 e datës 4 qershor 2008 dhe nenit 40 të Statutit të Komunës së Lipjanit 1Nr.110-623 i datës 26.09.2008, Kryetari i Komunës propozon :

Në bazë të neneve 11, 12 par.12.2 shkronja c), 16 dhe 17 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës, nr.28 e datës 4 qershor 2008, neneve 8, 12 deri në 16 të Ligjit për Financat e Pushtetit Lokal Nr.03/L-049, Gazeta zyrtare e Republikës së Kosovës nr. 27 e datës 03.06.2008 si dhe neneve 9 dhe 20 të Statutit të Komunës së Lipjanit 1Nr.110-623 të datës 26.09.2008, Kuvendi i Komunës së Lipjanit në mbledhjen e datës ____2015, miratoi këtë

PROJEKT

RREGULLORE PËR TAKSAT KOMUNALE

I. DISPOZITAT E PËRGJITHËSHME

Neni 1 Qëllimi

Qëllimi i miratimit të Rregullores për taksat komunale (në vazhdim të tekstit: Rregullore) është që Komuna të krijoj burime të të hyrave vetanake buxhetore në pajtim me dispozitat e Ligjit mbi Financat e Pushtetit Lokal.

Neni 2 Objekti i rregullimit

Me këtë Rregullore përcaktohen taksat komunale nga kompetenca e komunës, obliguesit, procedura e pagesave si dhe procedura e ankesave, si vijon:

1. Taksat administrative për lëshimin e dokumenteve zyrtare ,
2. Taksa për pronësin e automjeteve motorike,
3. Taksa për vendosjen e objekteve lëvizëse në sipërfaqet publike,
4. Taksa për vendosjen e objekteve të përkohshme në pronën komunale,
5. Taksa për shfrytëzimin e përkohshëm të objekteve për Rini, Sport dhe Kulturë,
6. Taksat për shfrytëzimin e parkingjeve për automjete taksi,
7. Taksa për antena të telefonisë mobile dhe të internetit.

Neni 3 Taksat tjera dhe bashkëpagesat

1. Taksat administrative për lëshimin e lejeve ndërtimore do të përcaktohen me Vendim të veçantë, në pajtim me procedurat e parapara me nenin 22 të Ligjit Nr.04/L-110 për ndërtim Gazeta zyrtare e Republikës së Kosovës nr.18 e datës 03.07.2012 dhe Udhëzimit Administrativ Nr.22/2012 mbi taksat administrative për lëshimin e lejes së ndërtimit dhe tarifat për rregullimin e infrastrukturës.

2. Taksat tjera të përcaktuara me dispozita ligjore, bashkëpagesat për arsim dhe shëndetësi, tarifat për shërbimet dhe produktet kadastrale, taksat për regjistrimin e të drejtave në pronën e paluajtëshme, të cilat sipas kompetencës i përcaktojnë Ministritë e Qeverisë të Republikës të Kosovës, do të aplikohen nga organet e Komunës në pajtim të dispozitave ligjore dhe udhëzimeve përkatëse administrative.

Neni 4 Fushëveprimi

Taksat e përcaktuara me këtë rregullore i zbatojnë organet e administratës dhe institucionet tjera komunale, nëse me dispozita ligjore nuk është përcaktuar ndryshe.

Neni 5 Obliguesit

Obligues për pagesën e taksave të përcaktuara me këtë rregullore janë personat fizik dhe juridik me rastin e parashtrimit dhe zgjidhjes së kërkesave të tyre nga fushëveprimi i organeve të administratës dhe institucioneve të Komunës.

II. TAKSAT

Neni 6 Taksat administrative për lëshimin e dokumenteve zyrtare

1. Këto taksa i aplikojnë organet e administratës dhe institucionet e Komunës me rastin e parashtrimit të kërkesave të personave fizik dhe juridik për lëshimin e dokumenteve zyrtare, si vijon:

Nr.	EMËRTIMI I DOKUMENTIT	SHUMA
1	Ekstrakti dhe certifikata e lindjes, certifikata e martesës dhe vdekjes, certifikatat dhe vërtetimet tjera, nëse me akte tjera dhe këtë Rregullore nuk është përcaktuar shumë tjetër e taksës	1 €
2	Certifikata për gjendjen martesore	2 €
3	Aktvendimi për ndërrimin e emrit personal	10 €
4	Aktvendimet për regjistrime të mëvonëshme në Regjistrat e Gjendjes Civile	3 €
5	Korigjimet e shënimeve në Regjistrat e Gjendjes Civile	3 €
6	Certifikata për bashkësinë familjare	2 €
7	Akt vdekjeje	5 €
8	Ceremonia e kurorëzimit në Zyrën e Komunës	10 €
9	Ceremonia e kurorëzimit jashtë Zyrës së Komunës	70 €
10	Konfirmimi i të dhënave për personat e mbajtur nga personi në botën e jashtme	8 €
11	Konfirmimi i të dhënave për realizimin e shtesave femërore në botën e jashtme	8 €
12	Lëshimi i duplikatit nga dokumenti origjinal që e posedon organi komunal i	3 €

	administratës, përkatësisht institucioni i Komunës, nëse me dispozitë tjetër nuk është përcaktuar ndryshe	
13	Lëshimi i kopjeve të dokumenteve që i posedon Arkivi, për çdo faqe të shkruar nga	1 €
14	Pjesëmarrja në Tender sipas procedurave të Prokurimit	10 €
15	Pjesëmarrja në Ankand për dhënien në shfrytëzim afatshkurt të tokës në pronësi të Komunës	20 €
16	Pjesëmarrja në Ankand për dhënien në shfrytëzim afatsgjatë të tokës në pronësi të Komunës	50 €
17	Pjesëmarrja në Ankand për shitjen e mases drunore	20 €
18	Pjesëmarrja në Ankand për shitjen e mjeteve themelore	10 €
19	Çertifikimi i Objektit mbi plotësimin e kushteve minimale – teknike për ushtrimin e veprimtarisë afariste – deri në 100 m/2	25 €
20	Çertifikimi i Objektit mbi plotësimin e kushteve minimale – teknike për ushtrimin e veprimtarisë afariste – mbi 100 m/2	50 €
21	Vërtetimi mbi përmbushjen e detyrimeve financiare ndaj personave për ushqim dhe mbajtje	5 €
22	Vërtetimi që nuk është shfrytëzues i ndihmës sociale	1 €
23	Vërtetimi që nuk është nën kujdesatari	5 €
24	Aktvendimet tjera nëse me dispozita tjera dhe këtë Rregullore nuk është përcaktuar shumë tjetër e taksës	3 €

2. Nga pagesa e taksave nga paragrafi 1 i këtij neni, janë të liruar: anëtarët e ngushtë të familjeve të dëshmorëve dhe të zhdukurve të UÇK-së, invalidët dhe veteranet e luftës së UÇK-së, shfrytëzuesit e të drejtës të asistencës sociale dhe personat me aftësi të kufizuara të kategorizuar me vendim mjekësor.

3. Lirimi nga pagesa e taksave nga paragrafi 2 i këtij neni bëhet në bazë të prezentimit të dokumentit përkatës të prezentuar nga parashtruesi i kërkesës.

Neni 7

Kërkesat dhe aktet zyrtare për të cilat nuk do të bëhet pagesa e taksës

Nuk do të aplikohet taksa për kërkesa dhe vendime, nëse me dispozita tjera nuk është përcaktuar ndryshe, si vijon:

- për punësim dhe nga marrëdhënia e punës,
- për njohjen e të drejtave nga asistencë sociale dhe ndihmë momentale sociale,
- për trajtim shëndetësor,
- për subvencione sipas Rregullores komunale për subvencionet,
- për vërtetime mbi pagesën e tatimit në pronë,
- për parashtrësia dhe peticione lidhur me punën e organeve komunale,
- për kundërshtime dhe ankesa sipas vendimeve të organeve komunale,
- për kërkesa dhe vendimet për kryerjen e praktikës profesionale dhe
- për kërkesa dhe parashtrësia për ndërmarrjen e veprimeve të mbikëqyrjes inspektive.

Neni 8

Taksa për pronësinë e automjeteve motorike

1. Obligues të taksës për pronësinë e automjeteve motorike janë pronarët e automjeteve motorike: personat fizik të cilët janë banorë të Komunës, shoqëritë e regjistruara tregtare, dhe shoqatat joqeveritare që kanë selinë në Komunë.

2. Kjo taksë përcaktohet dhe paguhet në shumë vjetore me rastin e regjistrimit të automjeteve, si vijon:

Nr.	Lloji i automjetit	Taksa
1	Automjetet me peshë deri në 3.5 tonë	10 €
2	Automjetet me peshë mbi 3.5 tonë	20 €

3. Të liruar nga pagesa e kësaj takse për automjetet që i kanë në pronësi, janë:

Organizata e veteranëve të luftës të UÇK-së, Shoqata e Invalidëve të luftës të UÇK-së, Shoqata e familjeve të dëshmorëve të luftës të UÇK-së, Kryqi i kuq Komunal, anëtarët e ngushtë të familjeve të dëshmorëve dhe të zhdukurve të UÇK-së dhe invalidët e luftës së UÇK-së dhe shoqatat për përkujdesje të personave me aftësi të kufizuara.

Neni 9

Taksa për vendosjen e objekteve lëvizëse në sipërfaqet publike

1. Këtë taksë e aplikon Drejtorati i Shërbimeve Publike për dhënien e lejeve për shfrytëzim sezonal në kohëzgjatje jo më shumë se një vit të hapësirave publike në pronësi të Komunës për vendosjen e objekteve lëvizëse.

2. Lartësia e obligimit përcaktohet për kohëzgjatjen e shfrytëzimit të sipërfaqes publike e përcaktuar në lejen për shfrytëzim për objektet lëvizëse, si vijon :

Nr.	EMËRTIMI DHE VEPRIMTARIA	BAZA	SHUMA
1	Paisjet për shitjen e akulloreve, pofkave, misrit, gështenjëve dhe të ngjajshme. Ngarkesa llogaritet në bazë mujore	m ²	5 €
2	Shfrytëzimi i sipërfaqëve para objekteve të biznesit për veprimtarinë e cila është e lejuar të ushtrohet edhe jashtë objektit dhe për ekspozimin e mallrave të lejuara. Ngarkesa llogaritet në bazë mujore.	m ²	1 €
3	Konstrukcionet për lojëra dhe të lunaparqeve. Ngarkesa llogaritet në bazë ditore.	m ²	0.50 €
4	Tavolinat lëvizëse për shitjen e urimeve, panoramave dhe fotografive artistike, librave, dhe të ngjajshme. Ngarkesa llogaritet në bazë ditore.	m ²	1 €
5	Promovimi i produkteve të biznesit. Ngarkesa llogaritet në bazë ditore.	m ²	0.50 €
6	Panot dhe tabelat reklamuese. Ngarkesa llogaritet në bazë vjetore.	m ²	50 €

Neni 10

Taksa për vendosjen e objekteve të përkohëshme në pronën komunale

1. Obligues të pagesës të këtyre të taksave janë pronarët e objekteve, të lokaleve të përkohëshme dhe qosheve të vendosura me lejet përkatëse në pronën Komunale.

2. Shuma e ngarkesës llogaritet në bazë vjetore, për çdo vit kalendarik, për çdo m² të sipërfaqes së objektit .

3. Vendimet mbi obligimin e pagesës i nxjerr Drejtorati për Shërbime Publike dhe ua dërgon obliguesve para fillimit të çdo viti kalendarik., sipas shumave të përcaktuara në vijim:

Nr	OBJEKTI DHE VEPRIMTARIA	VENDI	BAZA	SHUMA
	Lokalet – objektet e përkohëshme për kryerjen e	Zona e I-rë	m ²	10 €

1	veprimtarive zejtare, shërbyese dhe hoteliere, ekonomike, për shitjen e prodhimeve industriale, bujqësore dhe gjërave tjera ushqimore, si dhe objekte tjera të ngjajshme	Zona e II-të	m ²	7 €
		Zona e III-të	m ²	3 €
2	Qoshqet për shitjen e gazetave, revistave, duhanit, librave, lotarive, bizhuterive, suvenireve, bukës dhe brumërave.	Zona e I-rë	m ²	8 €
		Zona e II-të	m ²	5 €
		Zona e III-të	m ²	2 €

Neni 11

Taksa për shfrytëzimin e përkohshëm të objekteve për Rini, Sport dhe Kulturë

1. Këtë taksë e aplikon Drejtorati për Rini, Sport dhe Kulturë, me rastin e parashtrimit të kërkesave të subjekteve të regjistruara për dhënien në shfrytëzim të përkohshëm të objekteve për Kulturë, Rini dhe Sport, si vijon:

Nr.	Emërtimi	Shuma
1	Shfrytëzimi i sallave të kinemas dhe vallëzimit	50 € / h
2	Shfrytëzimi i objekteve sportive	10 € / h

2. Nga pagesa e taksës numër 2 lirohen klubet e Komunës të cilat janë të kualifikuara dhe garojnë në ligat përkatëse sportive.

Neni 12

Taksa për shfrytëzimin e parkingjeve për automjetet taksi

1. Taksën për shfrytëzimin e parkingjeve për automjetet taksi, janë të obliguar ta paguajnë ushtruesit e licencuar për veprimtarinë autotaksi, për secilin automjet në shumë vjetore në lartësi prej 50 €.

2. Pagesa e parë për vitin kalendarik do të bëhet me rastin e lëshimit të licencës për ushtrimin e veprimtarisë taksi dhe caktimin e autoparkut për vendosjen e automjetit.

3. Drejtorati i Sherbimeve Publike përgatitë faturat për pagesën e kësaj takse në bazë vjetore për 4 vitet tjera në vijim, përkatësisht për kohëzgjatjen e licencës dhe ja dërgon obliguesëve për secilin vit kalendarik, më së largu një muaj para fillimit të vitit të ri kalendarik.

Neni 13

Taksa për antena të telefonisë mobile dhe të internetit

1. Taksën për vendosjen e antenave të telefonisë mobile janë të obliguar ta paguajnë ushtruesit e veprimtarisë të telefonisë mobile për secilën antenë të vendosur në territorin e Komunës në bazë vjetore në lartësi prej 100 €.

2. Taksën për vendosjen e antenave të internetit janë të obliguar ta paguajnë ushtruesit e veprimtarisë të internetit për secilën antenë të vendosur në territorin e Komunës në bazë vjetore në lartësi prej 30 €.

3. Për pagesën e obligimeve për vitet në vijim, Drejtorat i Sherbimeve Publike i përgatitë faturat dhe ua dorëzon për pagesë ushtruesëve të veprimtarisë për secilin vit kalendarik më së largu një muaj para fillimit të vitit të ri kalendarik.

4. Pagesa e parë për vitin kalendarik do të bëhet me rastin e lëshimit të lejes për vendosjen e antenës telefonike mobile përkatësisht internetit.

III. DETYRAT DHE PËRGJEGJËSITË

Neni 14

Detyrat e organeve dhe institucioneve të Komunës

1. Organet e administratës dhe institucionet e Komunës, sipas fushëveprimtarisë së tyre, janë të obliguara të zbatojnë dhe të inkasojnë taksat nga personat fizik dhe juridik sipas procedurave të përcaktuara me këtë Rregullore.
2. Obligohet Drejtorati për Buxhet dhe Financa, që për dinamikën e realizimit të të hyrave buxhetore sipas kësaj Rregulloreje të informojë Kuvendin e Komunës për çdo tremujor.

Neni 15

Detyrat e obliguesve

Obliguesit kanë për detyrë të paguajnë shumat e caktuara të taksave sipas procedurës dhe afateve të përcaktuara me këtë Rregullore.

IV. PROCEDURA E ANKESAVE

Neni 16

Kërkesa për rishqyrtim dhe ankesa

Pala e pakënaqur me aktin e Organit të Komunës kompetent për shqyrtimin e kërkesës, me të cilin i përcaktohet shuma e obligimit për pagesë të taksës, mund të parashtrojë kërkesë për rishqyrtim Organit komunal i cili ka nxjerrë aktin ose ankesë Ministrisë së Financave në afat prej 30 dite nga dita e njoftimit të aktit.

I. DISPOZITAT PËRFUNDIMTARE

Neni 17

Hyrja në fuqi

1. Kjo Rregullore hyn në fuqi 15 ditë pas regjistrimit në Zyrën e protokollit të Ministrisë për Administrimin e Pushtetit Lokal si dhe pas publikimit në web faqen e Komunës.
2. Me hyrjen në fuqi të kësaj Rregulloreje shfuqizohet Rregullorja për taksat komunale 1Nr. 434 – 13201 e datës 03.04.2014.

Arsyetimi

Propozimi i kësaj Rregulloreje është i bazuar në dispozitat e neneve 8, 12 deri në 16 të Ligjit për Financat e Pushtetit Lokal Nr.03/L-049, Gazeta Zyrtare e Republikës së Kosovës, nr. 27 e datës 03.06.08 dhe neneve 9 dhe 20 të Statutit të Komunës së Lipjanit 1Nr. 110-623 të datës 26.09.2008.

Me dispozitat e lartëcekura parashihet që Komuna përmes Rregulloreve komunale, për sigurimin e mjeteve vetanake buxhetore, mund të përcaktojë obligime me rastin e zgjidhjes së kërkesave të personave fizik dhe juridik për pagesën e taksave për kryerjen e punëve dhe shërbimeve nga organet dhe institucionet komunale.

Me këtë Propozim parashihet aplikimi i taksave nga kompetenca e Komunës, si vijon:

1. Taksat administrative për lëshimin e dokumenteve zyrtare,

2. Taksa për pronësin e automjeteve motorike,
3. Taksa për vendosjen e objekteve lëvizëse në sipërfaqet publike,
4. Taksa për vendosjen e objekteve të përkohshme në pronën komunale,
5. Taksa për shfrytëzimin e përkohshëm të objekteve për Rini, Sport dhe Kulturë,
6. Taksat për shfrytëzimin e parkingjeve për automjete taksi,
7. Taksa për antena të telefonisë mobile dhe të internetit,

Taksat administrative për leje ndërtimore më nuk parashihen të përcaktohen me këtë Rregullore, sepse këto taksa përcaktohen konform nenit 22 të Ligjit Nr.04/L-110 për ndërtim, Gazeta zyrtare e Republikës së Kosovës nr. 18 e datës 03.07.2012, ashtu siç është propozuar në paragrafin 1 të nenit 3 të kësaj Rregullore.

Poashtu, taksat tjera të përcaktuara me dispozita ligjore, bashkëpagesat për arsim dhe shëndetësi, tarifat për shërbimet dhe produktet kadastrale, taksat për regjistrimin e të drejtave në pronën e paluajtëshme, të cilat sipas kompetencës i përcaktojnë Ministritë e Qeverisë të Republikës të Kosovës, do të aplikohen nga organet e Komunës në pajtim të dispozitave ligjore dhe udhëzimeve përkatëse administrative, ashtu siç është propozuar në paragrafin 2 të nenit 3.

Lartësia e taksave është përcaktuar në bazë kostos së punës për shërbimet dhe aktivitetet që i ofronë Komuna, konform dispozitave të nenit 2 të Ligjit për Financat e Pushtetit Lokal.

Propozimi i kësaj Rregulloreje parasheh disa ndryshime dhe harmonizime të lartësisë së taksave të parapara me Rregulloren në fuqi për taksat komunale 1Nr. 434 – 13201 e datës 03.04.2014.

Në krahasim me Rregulloren aktuale në fuqi me këtë Rregullore janë përfshirë këto ndryshime dhe plotësime:

Në paragrafin 1 të nenit 2 të Rregullores pas fjalës: “taksat komunale” janë shtuar fjalët: “nga kompetenca e Komunës”.

Në paragrafin 1 të nenit 2 të Rregullores pas numrit rendor 7 janë shtuar sipas numrave vijues rendor taksat për pjesëmarrje në tender dhe ankande.

Paragrafi 1 i nenit 3 është riformuluar dhe thekson:

“Taksat administrative për lëshimin e lejeve ndërtimore do të përcaktohen me Vendim të veçant në pajtim me procedurat e parapara me nenin 22 të Ligjit Nr.04/L-110 për ndërtim Gazeta zyrtare e Republikës së Kosovës nr. 18 e datës 03.07.2012 dhe Udhëzimi Administrativ Nr.22/2012 mbi taksat administrative për lëshimin e lejes së ndërtimit dhe tarifat për rregullimin e infrastrukturës.”

Paragrafi 1 i nenit 6 është riformuluar, si vijon:

“Këto taksa i aplikojnë organet e administratës dhe institucionet e Komunës me rastin e parashtrimit të kërkesave të personave fizik dhe juridik për lëshimin e dokumenteve zyrtare, si vijon:”

Në pjesën tabelare të paragrafit 1 të nenit 6 janë fshirë emërtimet e taksave në numrin rendor 12, 13 dhe 20, si vijon:

- Vërtetimi i nënshkrimeve në deklaratat e palëve – për çdo nënshkrim nga
- Fotokopjimi dhe vërtetimi i kopjes së origjinalit të prezentuar nga pala për çdo faqe të shkruar nga
- Kërkesat për rishqyrtim dhe Ankesat

Në paragrafin 1 të nenit 6 në pjesën tabelare propozohen taksa të reja me emërtimet, si vijon:

-Lëshimi i duplikatit të dokumentit origjinal që e posedon organi komunal i administratës përkatësisht institucioni i komunës, nëse me dispozitë tjetër nuk është përcaktuar ndryshe, për çdo faqe të shkruar të dokumentit

- Lëshimi i kopjeve nga dokumentet që i posedon arkivi, për çdo faqe të shkruar nga,
- Lëshimi i kopjeve të dokumenteve sipas kërkesave për qasje në dokumentat zyrtare,
- Pjesëmarrja në Tender sipas procedurave të Prokurimit,
- Pjesëmarrja në Ankand për dhënien në shfrytezim afatshkurt të tokës në pronësi të Komunës,
- Pjesëmarrja në Ankand për dhënien në shfrytezim afatsgjatë të tokës në pronësi të Komunës,
- Pjesëmarrja në Ankand për shitjen e masës drunore,
- Pjesëmarrja në Ankand për shitjen e mjeteve themelore,
- Vërtetimi mbi përmbushjen e detyrimeve financiare ndaj personave për ushqim dhe mbajtje,
- Vërtetimi që nuk është shfrytëzues i ndihmës sociale dhe
- Vërtetimi që nuk është nën kujdesatari , të cilat janë renditur si në pjesën tabelare të nenit 6 paragrafi 1 të kësaj Rregullore.

Paragrafi 2 i nenit 6 të Rregullores është riformuluar dhe propozohet si vijon:

“Nga pagesa e taksave nga paragrafi 1 i këtij neni, janë të liruar: anëtarët e ngushtë të familjeve të dëshmorëve dhe të zhdukurve të UÇK-së, invalidët dhe veteranet e luftës së UÇK-së, shfrytëzuesit e të drejtës të asistencës sociale dhe personat me aftësi të kufizuara të kategorizuar me vendim mjekësor.”

Pas paragrafit 2 të nenit të cekur propozohet paragrafi i ri i cili thekson:

“Lirimi nga pagesa e taksave nga paragrafi 2 i këtij neni bëhet në bazë të prezentimit të dokumentit përkatës të prezentuar nga parashtruesi i kërkesës.”

Në krahasim me Rregulloren në fuqi, pas nenit 3, propozohet një nen i ri, për kërkesat dhe aktet zyrtare të liruara nga pagesa e taksës, siç është propozuar në nenin 4 të kësaj Rregulloreje.

Paragrafi 3 i nenit 7 të Rregullores në fuqi është riformuluar dhe në paragrafin 3 të nenit 8 të kësaj Rregulloreje thekson:

“Të liruar nga pagesa e kësaj takse për automjetet që i kanë në pronësi, janë:

Organizata e veteranëve të luftës të UÇK-së, Shoqata e Invalidëve të luftës të UÇK-së, Shoqata e familjeve të dëshmorëve të luftës të UÇK-së, Kryqi i kuq Komunal, anëtarët e ngushtë të familjeve të dëshmorëve dhe të zhdukurve të UÇK-së dhe invalidët e luftës së UÇK-së dhe shoqatat për përkujdesje të personave me aftësi të kufizuara.”

Paragrafi 1 i nenit 8 të Rregullores në fuqi është riformuluar dhe në paragrafin 1 të nenit 9 thekson:

”Këtë taksë e aplikon Drejtorati i Shërbimeve Publike për dhënien e lejeve për shfrytëzim sezonal në kohëzgjatje jo më shumë se një vit të hapësirave publike në pronësi të Komunës për vendosjen e objekteve lëvizëse.”

Në pjesë tabelare të nenit 9 në nurmin rendor 3 janë fshirë fjalët: “objektet e përkohëshme lëvizëse dhe sezonale”, kështu që ky riformulim në nenin 9 paragrafin 3, nurmi rendor 3 thekson:

“Konstrukcionet për lojëra dhe të lunaparqeve. Ngarkesa llogaritet në bazë ditore.”

2. Lartësia e obligimit përcaktohet dhe paguhet para dhënies së lejes për shfrytëzim sezonal, si vijon:

Paragrafi 2 i nenit 10 është riformuluar dhe në paragrafin 2 të nenit 11 të kësaj Rregullore thekson:

”Nga pagesa e taksës numër 2 lirohen klubet e Komunës të cilat janë të kualifikuara dhe garojnë në ligat përkatëse sportive.”

Përmbajtja e nenit 11 është riformuluar, kështu që kjo përmbajtje në nenin 12 thekson:

”Taksën për shfrytëzimin e parkingjeve për automjetet taksi, janë të obliguar ta paguajnë ushtruesit e licencuar për veprimtarinë autotaksi, për secilin automjet në shumë vjetore në lartësi prej 50 €.

Pagesa e parë për vitin kalendarik do të bëhet me rastin e lëshimit të licencës për ushtrimin e veprimtarisë taksi dhe caktimin e autoparkingut për vendosjen e automjetit.

Drejtorati i Sherbimeve Publike përgatitë faturat për pagesën e kësaj takse në bazë vjetore për 4 vitet tjera në vijim, përkatësisht për kohëzgjatjen e licencës dhe ja dërgon obliguesëve për secilin vit kalendarik, më së largu një muaj para fillimit të vitit të ri kalendarik.”

Në krahasim me nenin 13 të Rregullores në fuqi, në nenin 14 të kësaj Rregullore është propozuar paragraf i ri i cili thekson:

”Obligohet Njësia e Auditmit të Brendshëm të Komunës që të bëjë mbikëqyrjen e aplikimit të pagesës së taksave të përcaktuara me këtë Rregullore dhe për këtë ti paraqes informatë Kryetarit të Komunës për çdo tre muaj të viti kalendarik.”

Nenit 12, me përjashtim të paragrafeve 1 dhe 2, i Rregullores është riformuluar si në propozim të nenit 13, kështu që paragrafi 3 është riformuluar ndërsa pas tij është shtuar paragrafi 4 sic është propozuar në nenin 4.

Pasi që ndryshimet dhe plotësimet, përkatësisht formulimet e propozuara më lartë përfshijnë numër të konsiderueshëm të neneve të Rregullores në fuqi që duhet të riformulohen, ndryshohen apo plotësohen, e kemi parë të arsyeshme me qëllim të racionalitetit dhe zbatimit më të lehtë në praktikë të mos propozohet ndryshimi dhe plotësimi i Rregullores, por të miratohet Rregullore e re me përmbajtjen e propozuar.

1Nr. _____
Lipjan, më _____

KRYETARI I KOMUNËS
Imri Ahmeti